

## ياليتنى كنت معهم ! .. الحلقة ) 41 ( .. #على\_فين\_يا\_شباب .. د .

### حازم شومان

حازم شومان

السلام عليكم ورحمة الله وبركاته. الحمد لله وكفى. وصلة وسلاما على عباده الذين اصطفى. ثم اما بعد. يا ليتنى كنت معهم فافوز فوزا عظيما. يا ريتني كنت معهم. عارفين الكلمة دي اتقالت امتى يا جماعة؟ لما الصحابة ربنا انعم عليهم بسبب دينهم وايمانهم والتزامهم - 00:00:00

بدين الله سبحانه وتعالى. فالناس لما شافت ربنا اداهم ايه؟ قالوا يا ليتنى كنت معهم. يا ريتني كنت معهم. المشكلة ان الكلمة دي هتبقى على لسان كل الناس يوم القيمة. كل الناس لما هتشوف سواب الصحابة. كل الناس لما هتشوف سواب العبادة يقولوا يا ريتنا كنا معهم. يا ليتنى كنت معهم. لما نشوف اللي اترفعوا على منابر النور يوم القيمة - 00:00:20 لما نشوف اللي بيسربه من ايد النبي عليه الصلاة والسلام في الحوض يوم القيمة. لما نشوف اللي في ظل عرش الله يوم القيمة. لما نشوف اللي بتركب النجائب عشان يصلوا الى - 00:00:40

يوم القيمة ساعتها هنقول يا ليتنى كنت معهم هتندم. لما تشوف سواب الدعاء يوم القيمة. هتبكي دم لما تشوف اللي اترفعه على منابر النور يوم القيمة يتقدّر قلب كل واحد ما خدش الفردوس الاعلى لما يشوف اللي هيروح الفردوس الاعلى يوم القيمة. مش عايزين نقول الكلمة دي يا جماعة. مش عايزين نيجي اللحزة اللي نقول فيها يا ريتني - 00:00:50

مش عايزين نيجي اللحزة اللي نقول فيها يا ليتنى الكلمة دي مش عايزين نقولها. يوم القيمة كل الناس هيبقو اتنين. واحد هيقول يا ريتني واحد هيقول الحمد لله ان سبتنى. احنا مش عايزين نبقي يا جماعة التاجر كل ما بيحط رأس مال اكتر في صفقة كل ما بيخاف عليها اكتر. عمرك ده الصفقة اللي انت حاطط فيها كل رأس مالك. الدنيا - 00:01:10 هي دي الصفقة اللي انت حاطط فيها كل ما تملك. لو راحت كل ما تملك راحت. ليه؟ مصمم تخسر ليه؟ ليه مصممة تخسر؟ ده ربنا مسمى سورة في القرآن الواقعة. يوم الايه - 00:01:30

القيمة عارفين ربنا سماها الواقعه ليه ؟ الواقعه دي اللي هي الحرب. الحرب دي يا جماعة لما بتيجي الملك بتاع البلد المهزومه بيبقى عبد اسير بعدها. زليل بعدها وشوية العبيد اللي هجموا على البلد بيبقو ملوك بعدها. يعني خافضة رافعة. ناس كانت تحت بتبقى فوق. وناس كانت فوق بتبقى تحت. يعني يا جماعة مش عايزين نندم - 00:01:40

يا جماعة عايزين نفهم انت عايز تقول ايه الليلة؟ انا عايز اقول ان كل حاجة لها تمن. كل حاجة واحد رايج اجنس عربيات. فصاحب الاجنص شافه بيص على العربية او يعنى - 00:02:00

قل له لو عايزها اديها لك. والله العزيم لو عايز اديها لك. قال له اه انا عايزها. قال له فين فلوسها؟ قال له ما عييش. قال له تبقى مش عايزها. لو كان كنت عايزها كنت - 00:02:10

انت جبت فلوسها. كنت موت نفسك عشان تلم فلوسها. يا شباب يا شباب ده بيت في الدنيا يساوي كم؟ طب فيلا في المعادي. طب اصرف افخم حته في الدنيا يساوي كام؟ طب اصل من قصور الجنة يساوي كم يا جماعة؟ ما لوش تمن ازاي؟ ده بنت بنت هات بنت يعني مقبولة ومتوسطة الجمال تتجوزها. شف هتدفع كم في - 00:02:20

ملكة جمال العالم تدفع كم في الجواز منها؟ طب ما بالك بقى بحورية من حوريات الجنة يبقى الجواز يبقى التمن ايه؟ تمن الجنة ايه

يا جماعة؟ انا جاي اقول لكم الليلة ان كل - 00:02:40

في حاجة لها تمن لازم تدفع التمن. لازم الصحابة ما خدوش الجنة غير بعد ما دفعوا عمرهم. يا جماعة الالتزام والله العزيم  
الالتزام ما هو اش ركعتين بيتصل الالتزام عمري بتديه لربنا. حياة بتديها لربنا وجهة بتوجه طموحك واهدافك وكل حياتك اليها.

الصحابة دفعوا عمرهم عشان ياخدوا الجنة. دفع - 00:02:50

وكل ما يملكه عشان ربنا يقول لهم لقد قات الله. دفعوا اغلى ما يملكون عشان ربنا يقول لهم مغفرة. يعني انت عايز تقول ايه؟ انا عايز  
اقول انك لو عايز تبقى معهم - 00:03:10

الاخلاق لازم تعمل زي ما عملوا في الدنيا. انا هاكلكم الليلة يا جماعة التمن. تمن الجنة ايه! تمن المغفرة ايه! اه ان احنا في التراويح  
نرفع ايدنا ونقول اللهم اغفر - 00:03:20

يا رب امين. يبقى الموضوع خلاص. ربنا رحمته واسعة. بس الصحابة ما عملوش كده بس. تمن الجنة. انا  
عايزك تركز معي دلوقتي. انا عايزك تعيشي معي بقلبك الوقتي ما تفكروش في حاجة. ما تشييش هم اي حاجة ما تحطش في دماغك

اي شيء. انا باكلمك دلوقتي عن التمن. باكلمك عن تمن الربح في الصفقة اخطر صفقة. اللي كل - 00:03:30

حياتك و عمرك فيها. الصفقة اللي خسرتها هتبقي خسرت كل حاجة. ولو كسبتها تبقى كسبت كل حاجة. ايه تمن الجنة غزوة احد النبي  
عليه الصلاة والسلام خرج مع الصحابة. والمسلمين قطعوا المشركين خلاص اذ تحسنهم باذنه. الموضوع منتهي. والستات بتوع  
المشركين طلعوا يجرعوا سوقهم - 00:03:50

بيهربوا من على الجبل والمشركين بيهربوا. وتسع رايات للشرك تسقط على الارض وتسقط حداشر جسة مشرك. نجس حواليها.  
والمسلمين بيتتصروا خلاص يا جماعة كل حاجة بتنتهي والمعركة بتتقلل. ويجرى المسلمين يلحقوا الغنائم. يبص لرماة من على  
الجبل. الغنية. الغنية الدنيا. ما تسيبوا عشان انزلوا اجمعوا الدنيا - 00:04:09

الغريبة مش الوقتي. الغريبة لما ننزل امورنا ونجاوب على اسئلة القبر التلاتة. الغنية مش الوقتي. الغنية لما ندخل الجنة.  
الغنية. الغنية ينزل و في لحظات ينقلب الوضع كله. وينقلب المشركين على المسلمين. ويفر جيش المسلمين ومحمد ابن عبد الله  
صلى الله عليه وسلم يلاقي نفسه لوحده - 00:04:29

لوحده في ارض المعركة ويستصرخ رسول الله في جيش المسلمين. من يردهم عنا وله الجنة. يبقى تمن الجنة جه دلوقتي يا جماعة.  
الجنة اتعرضت في مزاد علني. في وسط المعركة ووسط الدم ووسط طائر الرقاب. الرسول قال الجنة اللي هي بييجي يقف بيني وبينهم -  
00:04:49

اول ما الصحابة سمعوا الجنة دفعوا تمن ايه؟ انا عايز اقول لك تمن الجنة كان ايه؟ انا عايز اقول لك ابو دجانة جري على النبي عليه  
الصلوة والسلام طرسه بجسمه عشان اي طعمة تيجي في امدحانة ما تجيشه في النبي - 00:05:09

ام عمارة وقفت من ورا النبي عليه الصلاة والسلام. المشرك عايز ينفz للنبي وهي قاعدة تحاسب على رسول الله. بييجي يمين تيجي  
يمين. بييجي شمال تيجي شمال. في الاخر عايز يردها باي طريقة من غير ما - 00:05:19

ضربيها بالسيف على كتفها ضربة تحط ايدك فيها تدخل فيها قعدة سنة تتعالج منها. قالوا لها بعدها ومن يطيقين ما تطيقين يا ام  
عمارة ايه اللي يطيق اللي انت استحملته؟ قالت واتحمل واتحمل واتحمل من اجل رسول الله صلى الله عليه وسلم. مصعب ابن  
عمير وقف بجسمه بين النبي وبينهم. ومسك - 00:05:29

مسك الراية ومصمم انه يمسك الراية والايدي الثانية ايد فيها الراية وايد فيها السيف. بيدافع عن رسول الله. يقطعوا له ايده اليدين. لو  
انت ماسك محمول في ايديك. ماسك محمول - 00:05:49

والمحبوب ايدك اتقطعت تبص على المحمول ولا على ايديك؟ هتبص على ايديك طبعا. لا مصعب كان اللي ماسكه في ايديه اغلى من  
ايديه. ساب ايديه تقع ومسك الرعاية. الراية ما تقعش - 00:05:59

ما تقعش قريب ابدا. يقطعوا له ايده الثانية ايده تقع. انما الراية ما تقعش. لغاية ما يقتلوا. يحط الراية ما بين رقبته وما بين صدره

ويفضل ماسكها عشان يسقط مصعب والراية ما تسقطش والنبي ما يتكتشفش عليه الصلاة والسلام. سعد ابن الربيع الانصاري قعد يدافع عن رسول الله صلى الله عليه وسلم لغاية ما مات وهو بيتحضر. قال لهم لا عذر لكم - 00:06:09

عند الله ان خلص الى رسول الله وفيكم عين تطرف. رسول الله ما حدش يمسه ما حدش يشتمه. ما حدش يعتدي عليه عليه الصلاة والسلام. انس ابن النضر واقف لقى الصحابة بيهربوا. قال له انتم بتروحوا فين؟ واه لريح الجنة. ده انا شاممها والله العزيم. والله العزيم شامم ريحتها يا جماعة. واهن ليه ريح الجنة - 00:06:29

اني لاجد ريح الجنة دون احد بيبني وبينها الجبل ده. طلع عدى الجبل ونزل اتضرب تمانين طعنة. تمانين طعنة كل طعنة بيدافع عن رسول الله مشرك من المشركين رضي الله عنه. كل صحابي وقف يعمل بطولة رهيبة. سبعة من الانصار وقفوا حوالين النبي عليه الصلاة والسلام. كل ما واحد يدخل يتقتل يدخل الثاني يتقتل يدخل - 00:06:49

التالت اتقتل. سبعة اتقتلوا طلحة ابن عبيد الله واقف. لقى سبعة مقتولين سبع جسمس قدام رسول الله. واقف يدخل ولا دخل طلحة ابن عبيد الله ووقف يدافع عن رسول - 00:07:09

صلى الله عليه وسلم. قطعوا له جسمه بس ما ماتش. بعدها قيل عليه من سره ان ينظر الى رجل الى شهيد يمشي على الارض فلينظر الى طلحة. طلحة بن عبيد الله طلع ايده مشلولة يا جماعة من الغزوة دي. ابو عبيدة ابن الجراح طلع اهتم بس كان احسن الناس اتما. جري لما حلقات المغفر - 00:07:19

حديد دخلت في وش النبي وضم النبي عليه الصلاة والسلام. يكسر بسنائه يطلعها بسنائه حديد بيطلعها بسنائه. سنة اتكسرت بس كان طلع حلقة من الحلقتين. طب طب سيب النبي يشدها. طب استنى شوية لأ. رسول الله ما يتالمش. انا كل حاجة في حياتي تتكسر. انما رسول الله ما يتالمش. بسنته الثانية طلع الحلقة الثانية واتكسرت - 00:07:39

الثانية وطلع ابو عبيدة من احسن الناس هاتى من رضي الله عنه بسبب دفاعه عن رسول الله صلى الله عليه وسلم. الكل وقف يدافع عن رسول الله يا جماعة الكل يدافع - 00:07:59

الجنة. تمن الجنة مش رخيص يا جماعة. ربنا بعدها قال لهم ام حسبتم ان تدخلوا الجنة ولما يعلم الله الذين جاهدوا منكم. هي الجنة رخيصة! يا شباب يا شباب الجنة اللي مصعب اقطع عشان يدفع تمنها. الجنة اللي جعفر اقطع واتمزق حتى عشان يدفع تمنها. ابو بكر دفع تمن الجنة انه خرج من ماله كله اربع مرات - 00:08:09

عبد الله ابن جحش دفع تمن الجنة في احد ان بكرة بطنه. وقطعت اذنه وجدعت انفه. انت دفعت تمن الجنة ايه؟ تمن الجنة مش رخيص. انهار الجنة والله العزيم رخيصة. انهار الجنة. قصور الجنة والله ما هي رخيصة يا جماعة. نعيم الجنة وفواكه الجنة. والله يا جماعة ما هو رخيص. لازم ندفع التمن. سلمى من الاكوع - 00:08:29

كان قاعدين مع رسول الله صلى الله عليه وسلم مرة في غزوة من الغزوات. انا عايزك تركز معي في القصة دي لان القصة دي بتفكر الواحد فعلا الصحابة كانوا عايزين الجنة قد ايه ودفعوا تمنها ايه؟ سلمة من الاكوع قعد مع النبي عليه السلام والصحابة في غزوة جه واحد مشرك اتلصص اول ما بدأوا يكشفوه - 00:08:49

خد حسان من حصينة المسلمين وطار بسرعة. النبي عليه الصلاة والسلام يروى انه قال من يأتيني به وله الجنة. وهو ايه جنة الكلمة الراجل دهو اللي معه الحسان ده وهو بيهرب دهو هو ده تمن الجنة هو ده الجنة سلمى ابن الاكوع اول ما سمع الكلمة سلمة لا عنده حمار ولا عنده ناقة ولا عنده حسان بس كان - 00:09:05

جدا طلع يجري. طلع ثلاثة صحابة يجرروا. واحد طلع بفرس يجري وراه. وواحد طلع بناقة يجري وراه. وسلمة طلع برجليه يا جماعة. القضية مش قضية رجلين القضاة مش قضية انت راكتب ايه؟ القضية قضية سرعة قلبك لله ايه؟ القضية قضية شوقك لله ايه؟ القضية قضية لهفتك على الجنة ايه؟ القضية قضية انت من جوة - 00:09:25

دار الشوق اللي جواك للجنة قد ايه؟ نار الشوق اللي جواك لارضاء الله قد ايه؟ طلعوا الثالثة يجرروا. شوية المشرك سريع جدا هيتقتل لو اتلحق ابو ناقة ما قدرش يلتحقه خلاص شوية ووقف مش قادر. فضل سلمة من الاكوع يجري واللي بحسان يجري. بعد شوية

اصرار المشرك على الهرب ب حياته خلى حتى - 00:09:45

ما يقدرش يلتحقه. استلم الاكح فضل يجري. يجري هيموت ما هوش قادر. واحد بيجري وهو حسان. ده بيقول لك العربية دي كزا حسان ودي كزا حسان ودي كزا حسان. الحسان ده قوة رهيبة - 00:10:05

مقتول. جه يقع على الارض قال ايه ؟ سلامه. سلمه انها الجنة يا سلمه. لكنها الجنة يا سلمه. وطلع يجري وطلع يقاوم ويقاتل ده بيجري ورا الجنة مش جري الوحوش ورا الدنيا. لا مش ولكنها الدنيا يا فلان. مش ولكنها الشهادة يعني لا لكنها الجنة. طلع يجري - 00:10:15

خلاص الرجال بعد عنه وهو طول مش قادر ولكنها الجنة يا سلامه. الجنة يا سلامه هتضيعها. طلع يجري الرجال بعد فترة بص وراه ما فيش حد الحسان تحت شجرة وقعد يستريح. سلمه من الاكع بيجري ما بطلش ما وقفش. طول ما انا رايح لربنا مش هقف مش هستريح. الراحة في الجنة لما اوصل للجنة انما الوقتي ما فيش راحة - 00:10:35

بص شافه سلوى من الاكوم من بعيد. طلع يجري يجري. وفجأة انقض عليه وخده من رقبته. وقال له تعال يا جنتي تعال يا جنة الرضوان بتاعتي. انا عايزك تقول تعال يا جنتي للمصحف. المصحف امسك المصحف تعال يا جنتي. عايزك وانت رايح التراویح تعالى يا جنات - 00:10:55

عايزك وانت لابسة نقابك ونازلة رايحة اصلي تراویح وتهجد تعالى يا جنتي. عايزين نمسك السواك في رمضان تعال يا جنتي. عايزين يا جماعة نتعامل مع الجنة بتاعتنا. تعال يا جنتي. انا عايزك قم. اووعي تقدر. اووعي تقدر انها الجنة. كل ما تيجي تتعب في رمضان خلاص زهقت - 00:11:15

ثلاثين يوم صيام وتراویح وتجار قل ولكنها الجنة. انها الجنة مش هقدر ابدا. كان لنا واحد صاحبنا كان عندنا امتحان في كلية طب من اصعب امتحانات كلية طب كلها كان امتحان مادة الباثولوجي وكان يومين ورا بعض وامتحان طحن مادة يعني. الله المستعان. ربنا يعين جميع الطلبة يا رب. ليلة الامتحان الاولاني واحد صاحبنا ما نامش - 00:11:35

وقد يذاكر قتل نفسه. دخل اللجنة طلع من اللجنة خلاص ما عندوش وقت فيه بكرة امتحان. نام بقى يريح لك جسمك ساعتين ما فيش وقت. ما فيش وقت ابدا. انها انه - 00:11:55

انها النجاح. انه التقدير. فضل يذاكر. عمل شرب قهوة يعني ممكن يموت واحد فيها. وقد يذاكر لغاية ما جه الساعة اتناشر بالليل. تاني يوم عنده امتحان مقتول مش قادر راسه تقع يقوم تاني. مش قادر راسه تقع يقوم تاني جه الساعة اتنين بالليل راسه وقعت. ما حدش داري - 00:12:05

اخته الصغيرة داخلة من الاوضة بتفتح باب الاوضة بعد دققتين. بتفتح الباب اتفزع من الصوت. بص لقى نفسه نام. عارفين قال ايه يا جماعة؟ عارفين صاحبنا قال ايه؟ وقف يكلم نفسه - 00:12:23

ويشتم نفسه قم! فيه راجل ينام ليلة امتحان الباثولوجي! قم! فيه راجل ينام ليلة الامتحان! قم! لو كنت راجل قم! لو كنت وفضل يقوم نفسه لغاية ما زاكر لتنان يومين في الامتحان. سبحان الله العزيم. دلوقتي من زمايلنا يعني دلوقتي طبيب متعين في الجامعة. سبحان الله تعب شوية - 00:12:33

ولكن خد ايه انا عايزك لما تيجي تتعب قم فيه راجل ينام وباب الجنة التمانية مفتوحة قومي فيه مؤمنة صادقة تنام وابواب النار كلها مغلقة وابواب الجنة مفتوحة قم مؤمن ينام وطريق التوبة ربنا فتحه له. قومي اووعي تسامي. تمن الجنة ايه يا جماعة؟ تمن الجنة غالى هتدفعوه ولا لأ؟ لازم ندفعه. صفة عمرنا نخسر كل حاجة - 00:12:53

اذاي؟ تمن التوبة؟ ايه تمن التوبة ان احنا واحنا واقفين في التراویح. الامام يقول اللهم تب علينا لنتوب. امين. بس. الحمد لله اللي دفعنا تمن التوبة. يا سلام! شف قول الله سبحانه وتعالى لقد تاب الله على النبي والمؤمنين والهاربين والانصار - 00:13:14

الذين اتبعوهم في ساعة العسرة. تاب الله! تاب الله! امتنى! ده في غزوة تبوك! ده بعد اتنين وعشرين سنة من البعسة! ربنا بعد اتنين

وعشرين سنة جهاد! وصبر وطرد واژي وعطش وقتل وتيتم وترمل وتضحية وبزل ومجاهدة وصيام وقيام - 00:13:34

مواجهات ودعوة بعد اتنين وعشرين سنة اتدفع فيها تمن كل ما يملك كل واحد من الصحابة في حياته. دلوقتني يا رب بتقول لك طب يعني يا رب كل اللي احنا خدناه مقابل ده انك تبت علينا يا رب. الذين اتبعوه اللي بقى لهم اتنين وعشرين سنة صامدين وراها. يا شباب اسبتوا يا شباب يا شباب - 00:13:54

نسبة لقد تاب. يعني التوبة تمانية كده قعدت افتكر بزهني الصحابة دفعوا ايه في الاتنين وعشرين سنة دول من اول الهجرة من اول سمية سبعة واحدة اسلمت سبعة واحدة دخلت في الاسلام لما كانوا بيعذبواها بيقتلواها من العذاب ويلبسواها ادرع الحديد ويسيروا جسمها. بس القضية مش انها كانت بتتعزب. ده ابها بتتعزب قدامها. عمار - 00:14:14

بيتعزب قدامها ياسر وهي بتتعزب وسامعة صراخهم يستسلم الرجال ما يقدروش يستحملوا اكتر من كده ويعلنوا الكلمة اللي المشركين عايزينها وتفضل المرأة صامدة وتفضل وتفضل مصرا ان هي هتصمد للآخر. يجي ابو جهل عايزها زي ما جوزها وابها. خلاص تنازلوا باللسان. تنازل هي باللسان هي كمان. صب - 00:14:34

محمد ما تقدرش تعمل اكتر من انها تمل بوقها باللباب بتاعها وتقوم باسقة في وش ابو جهل. اول ما يتف في وش ابو جهل قدام الناس كلها يمسك الحرية ويطعنها فيقتلها فيرديها قتيلة اول شهيدة في الاسلام. اول دم سال في الاسلام كان دم امرأة يا نساء. يا نساء امة محمد الرجال - 00:14:54

ما قدوش يعملوا اللي المرأة عملته. ما قدوش يسبتوا السبات ان المرأة سبته. ما قدوش يضحو التضحية اللي المرأة ضحتها يا جماعة. يا نساء امة محمد يا بطلات يا اللي صنعتم تاريخ الامة على اكتافكم. يا ركن ركين من اركان قيام الاسلام في العالم كله. يا اللي نشرتوا الدعوة يا اللي طلبتم العلم. يا اللي نشرتوا الدين - 00:15:14

ياللي جاهدوا مع الرجال في المعارك والغزوات. انتم فين؟ على فين يا بنات امة محمد؟ على فين يا شابات امة محمد؟ على فين يا نساء وامهات امة محمد؟ ادي امة اهي - 00:15:34

شوفوا حصل لها ايه وعملت ايه ؟ لقد تاب الله عشان في الآخر يتقال لقد تاب كل ده تمن التوبة. لما تفتكر خباب اللي كان بيتجار في كان عند ام انار عبد - 00:15:44

السلاح والسلالس والدروع منز القاعة اللي كان المكان اللي كان فيه اسر رهيب. وبعد كده خد بقى بيحصل له ايه ؟ خباب يتقال له ها خباب لما يسلم ابو انوار كانت بتجيبي السيف تولعه لغاية ما يحمر وتحطه على راسه يطلع دخان اول ما يقف يصلبي. يقع مخشي - 00:15:54

من الصلاة. بعد كده يلبسوه ادرع الحديد لما يفوق. بعد كده حفروا له حفرة ولعوها النار نيموه على ضهره فيها. بيقول والله لقد اوددوا نارا فما اطفأها الا ودى كبار - 00:16:12

ما طفاهاش غير دهن ضهره لما نزل عليها. بعد عشرين سنة لما عمر شاف منظر ضهره الرهيب. عمر اغشى عليه. دفعوا تمن التوبة ايه؟ في غزوة تبوك. يلا يا رجاله - 00:16:22

يلا يا صاحبة فين يا رسول الله هنروح نحارب الروم طب الوقت يا رسول الله السمار بتاعة المدينة على الشجر رزقنا طول السنة اللي هنأكل منه طول السنة دخلنا طول السنة يا رسول الله - 00:16:32

على الحاجات اللي هتطلع دي. يلا يا رجاله. اديني احتاج الوقت ما فيش وقت للدنيا. طب يا رسول الله ده الف وخمسين كيلو. ما عناش دواب بتحملنا كلنا. يلا يا رجاله كل سبعة على بعير - 00:16:42

كل سنة على معاني يا رسول الله انا الف وخمسين كيلو رايج جاي. هناخدهم كل سبعة كيلو واحد يركب كيلو ويمشي ستة كيلو! يا رسول الله ازاي يا رسول الله! ابو زر حماره اصلا ما قدرش يكمل معه - 00:16:52

كمل الالف وخمسين كيلو مشي على رجليه. يا رسول الله ده الحر رهيب! يا رسول الله! منز الجيش يا جماعة صحيح مسلم! منز رهيب! رهيب في صحيح مسلم! لما اللي بيروي الحديث بيقول هم هيموتوا بالعطش الماية نفخت هيموتوا بالعطش. الرسول عليه

الصلوة والسلام قال لهم انكم تسيرون عشيتكم وليلتكم ثم تدركون الماء. اول ما سمعوا كلمة الماء - 00:17:02

الصحابي بيقول فانطلقتنا لا يلوى احد على احد. تلاتين الف واحد. كل ما اقرأ الحديث ده. اتخيل ان حد بيتص من السماء على جيش  
تلاتين الف واحد بيجري في الصلاة - 00:17:22

في الصحراء ما فيش اتنين ماشيدين جنب بعض. كله بيجري هيموت على العطش. مش قادر. مش قادر من العطش كله بيجري بيدور  
الماء فين؟ هنمومت. تاني يوم الرسول عليه الصلاة والسلام - 00:17:32

بالنهار وجدهم لسة ما وصلوش للمية. اول ما شافوا الرسول قالوا له يا رسول الله يا رسول الله هلكنا. عطشنا ضعننا يا رسول الله.  
فقال رسول صلى الله عليه وسلم لا هلك عليكم. مش انتم اللي تهلكوا. مش انتم اللي ربنا يسيبكم. مش انتم اللي ربنا يسيبك يا  
ملتزمه. مش انت اللي ربنا يسيبك يا اللي مجتهد في الدعوة - 00:17:42

مش انت اللي ربنا يسيبك يا اللي قلبك مليان ايمان. مش انت اللي ربنا يسيبك يا اللي دفعت تمن التوبة. لقد تاب الله. بعد كل ده بعد  
الجوع. بعد ما في غزوة - 00:18:02

خطب كل ورق الشجر بعد ما في غزوة ذات الرقاع رجليهم اتقطعت وربطوا رجليهم بالرفاع. بعد ما في غزوة ذاتي السلاسل سيدنا  
عمرو بن العاص من الجليد من التلخ اتيم من الجنابة. بعد ما في ازربيجان ست شهور ابن عمر والجيش متحاصر بالجليد. مش  
عارف يدخل بعد ما في الخندق كان الواحد لا يأمن ان هو يروح - 00:18:12

ضحكتو من المشركين. بعد ما في تبوك كان عمر بيقول لو واحد راح يقضي حاجته من المسلمين يقول ما نيش راجع. هيموت من  
العطش. يا شاب يا اللي قعدت تمانية واربعين ساعة تكلم بنت على النت - 00:18:32

تكلمها ليل نهار تمانية واربعين ساعة لا اكل ولا شرب ولا نوم. جبت الطاقة دي منين؟ جبت العاطفة دي منين؟ جبت البركان اللي  
جواك ده منين؟ الصحابة كانت عاطفة جواهم تجاه الدين. انا قلت لكم تمن الجننة. وقلت لكم تمن التوبة. لست ما قلتلكوش تمن  
المغفرة يا جماعة. تمن المغفرة ايه تمن المغفرة؟ اية قريتها بهرتني. ان الذين - 00:18:42

امنوا وهاجروا وجاهدوا باموالهم وانفسهم في سبيل الله والذين اعوا ونصروا اخر الاليات لهم مغفرة ورزق كريم. لهم ايه مغفرة قلت  
يا رب يا رب امنوا ده وقت ما امنوا تمن دخلة دار الارقم كانت ايه؟ كانت ان الزبير ابوه يعلقه من السقف ويولع له نار تحته وهو  
- 00:19:02

بها وهو يقول والله لا اعود الى ما كنت عليه ابدا. كان ان عثمان ابن عفان وسعد ابن ابي وقاص اهاليهم يلفوا عليهم حصيرة ويولعوا  
فيها من فوق عشان يتخانقوا من الدخان من تحت - 00:19:22

كان ان مصحف الشاب المنعم المترف. امه تمنع عنه الاكل لدرجة ان جلده يقرش يجي له امراض جلدية من كتر الجوع. كان تمنها ايه؟  
الذين امنوا. تمن دخل الدار الارقم - 00:19:32

وهاجروا تمن انه هاجروا ايه؟ ابو سلمة وام سلمة طالعين وسلمة ابنهم يطلع قومها انت واحد بنتنا فين؟ انت رايح تهاجر لمحمد  
هاجر انت ابنتنا ياخدوا ياخدوا ام سلمة وسلمة يطلع قومه انت واخدين ابنتنا فين سلمة ده ابنتنا احنا! هاتوا ابنتنا. قومه يروحوا بالولد.  
ومراته قومها يروحوا بها وهو يطلع لوحده - 00:19:42

اسوة اتقطعت في لحزة. الاسرة اتمزقت في لحزة عشان ربنا. طب ارجع يا ابو سلمة. ارجع ولم شمل اسرتك. لأ. اروح لدیني. انا عايز  
ربنا يغفر لي تمن المغفرة يا جماعة - 00:20:02

تمن المغفرة لذو البجادين دفعوا لما اهله طردوه وهو عريان ما لقاش غيره. قماشة عمل بها بجادين لبسهم وراح للنبي عليه الصلاة  
والسلام. وهو ويموت في غزوة تبوك رضي الله عنه - 00:20:12

ان الذين امنوا وهاجروا وجاهدوا باموالهم اموالهم ده عائشة بتقول في صحيح البخاري ما شبعنا من التمر حتى فتحت خير. ستة  
هجرية. ده ابن عمر بيقول في البخاري ما شبعنا قط حتى فتحت - 00:20:25

ده احنا كنا جعانيين مش لاقين ناكل مش لاقين يأكلوا وما بيقولوش اللي يحتاجه لجامع البيت يحرم على الجامع. اللي يحتاجه

الجامع يحرم على البيت. ويحرم على حياته ربنا سبحانه وتعالى دين ربنا احتياجه يسد وجاهدوا باموالهم وانفسهم. انا من المواقف  
اللي بتقطع قلبي في السيرة منزه رسول الله صلى الله عليه وسلم. امرأة بجعفر يوم ما كانوا راجعين - 00:20:39

من غزوة تبوك وجوزها كان هو اللي حامل الراية اتقطع هناك. مراته متوضبة ومتجهزة ومنضفة البيت. وملبسة ولادها عشان لما  
ابوهم يجي يلاقي ولاده شكلهم جميل. وجعفر ومستنية جعفر الباب يخبط. كل الرجال رجعت للستات بتاعتتها. الباب يخبط تجري  
على الباب جوزها داخل. هيشفوف اولاده خلاص وجوزها يرجع لها واحشها ووحشها - 00:20:59

وحشهم ابوهم. تفتح الباب تلاقي رسول الله اللي في وشها. تبص للنبي هو في ايه؟ هي ما هييش عارفة في ايه؟ بس المفروض كان  
جوزي اللي يخبط على الباب مش رسول الله صلى الله عليه وسلم. يدخل - 00:21:19

النبي عليه الصلاة والسلام ياخ ولاد جعفر يقعد بيوس فيهم ويقعد يشم فيهم عليه الصلاة والسلام من كتر حبه لهم. وينعى اليها  
زوجها. جوزك مات يا اسماء يا بنت عميس - 00:21:29

اعملني وجادوا باموالهم وانفسهم. انا عايز اقول لكم ضحوا قد ايه. انا عايز اقول لكم احساس حمنة بانتجحش. البت الشابة الصغيرة  
اللي ما جتش عشرين سنة ومصحف جوزها اعطر واجمل وانور شباب مكة. فاكهة المجالس مصعب داخل في احد ماسك الراية.  
يتقطع جوزها رجع لها اشلاء. جوزها رجع لها حبت. رجع لها متقطع بالسيوف - 00:21:39

وجوز ابوه هيموت واخوه هيموت. تسترجع اول ما تعرف ان جوزها مات ما قدرتش تستحمل ناحت وولولت فقال رسول الله صلى  
الله عليه وسلم ان الزوج من زوجته لمكان. انا عايز اقول لكم يعني ايه جهادوا باموالهم وانفسهم. والذين اتوا وقت ما كان ايواءهم  
للمهاجرين معناه انهم هيحاربوا - 00:21:59

الدنيا كلها ونصره. ايه اللي يخليني اضحي برقبي! كل ده عشان لهم مغفرة. يا شباب! يا امة محمد تمن الجنة مش رخيص! تمن  
التوبة مش تمن المغفرة مش رخيص. انا عايز اقول ايه في نهاية الحلقة؟ انا عايز اقول لكم يا جماعة ان كل واحد يوم القيمة هتندم  
مرتين. لو ما فقتش لصفقة عمرك. كل واحد يوم القيمة يقول يا ريتني - 00:22:15

يا هيقول الحمد لله. فاطلع فرآه في سوء الجحيم. قالت والله ان كنت لا ترضين ولو لعنة ربى لكنت من المحاضرين. الحمد لله ده انا  
كنت هضيع كنتم هتضيعونى يا شلة السوء. كنتم هتضيعونى يا اهل الشهوات. هاتوا لي يا اصحاب الفضائيات المنحلة. كنتم  
هتضيعونى. كنتم هتودونى جهنم والحمد لله - 00:22:35

انما في ناس بتقول يا ريتني يا ليتنى قدمت لحياتي. مش عايزك تقولها. مش عايز تيجي اللحزة اللي تقول فيها يا ريتني. يا جماعة  
زي ما ما الجنة لها تمن. المعصية لها تمن. هتدفعه هتدفعه لو - 00:22:55

ربنا اوعى هتدفعه في القبر لما تلاقي باب الجنة افتح واقفل تاني. هذا كان مقامك في الجنة لو كنت اطعت الله. هتقول يا ريتني  
بس بعد ايه؟ هتقول يا ريتني لما تلاقي الناس واقفة على حوض النبي بتشرب وتموت والعطش. هاتوا لي يا ريتني لما تلاقي اهل  
الجنة واهل النار بيتفرقوا دول رايحين النار. دول رايحين الفردوس - 00:23:05

يا ريتني يا ليتنى كنت معهم يا اللي بتشربوا من ايد النبي. يا ريتني كنت معكم يا اللي على منابر النور. يا ريتني  
كنت معكم يا اللي بتنظروا لوجه الله. يا ريتني كنت - 00:23:25

انت معكم يا اللي طالعين الفردوس الاعلى. يا ريتني كنت معكم يا صاحبة رسول الله. يا ريتني كنت معكم يا اللي صليت وصمت  
وقدمت وابت واجهتهدت. يا ليتنى كنت معهم فافوز فوزا عظيما. ايه التمن! التمن! عمرك! التمن مش ركعتين! التمن مش قماش غطيط  
به وشك وراسك! لا! التمن عمرك ووجهتك وقلبك! التمن - 00:23:35

الermen عقیدتك وفكرك وطموحك وهدفك في الحياة ان الله اشتري من المؤمنين انفسهم واموالهم بان لهم الجنة. هو ده التمن. ربنا ما  
يقبلش التمن اقل من كده. انت كلك على بعضك هو التمن. قل ان كان اباوكم ابوايا - 00:23:55

ابوايا حبيبي عزوتني اللي انا شايل اسمه وابناؤكم اولادي اللي انا همتد في الحياة من بعده من بعدي باسمهم واخوانكم. اخويا اللي لما  
باجي اقع على الارض باقول اخ لان اخويا اللي بيسندني وازواجكم مراتي مراتي حبيبتي اقرب الناس لي بعد مراتي وامي وازواجكم

وازجاجكم - 00:24:09

وعشيرتكم قومي غزوتي عيلتي نسيبي وتجارة قل ان كان اباوكم وابناؤكم واخوانكم وازجاجكم وعشيراتكم قالوا انك طلبتموها. مش فلوس مليون جنيه ورستوهם. ده فلوس جمعتها شلن وراء شلن. وجنى ورا جنيد بتعاك وعرقك. وتجارة تخشون كسدادها. فلوس رايحة جاية لو سبتها - 00:24:29

اتحرق في السوق ومساكن ترضونها. خمسين سنة في الخليج قاعد الم فلوس وجيت بنيت بيت. البيت اللي بنيته بشقا عمرى احب اليكم من الله فتريصوا التمن ان ربنا يبقى اغلى حاجة عندك في حياتك. التمن ان ما يبقاش في حياتك حاجة اغلى من ربنا. التمن انك ما تسيببيش باب طاقة تفتح لك الا وتأخديه. ما تسيب - 00:24:49

ما فيش شيوخنا كانوا بيعلمنا كل ما تيجي تقدر قل رب اغفر لي خليها لازمة على لسانك تركب المواصلات تدخل بيتك قل رب اغفر لي ممكن تيجي ساعة اجاية تقول رب اغفر لي يتغفر لك ما تضيعش - 00:25:09

تقعد فاتح لك يا شباب توصية الليلة انك انت مش عايزين نقول يا ريتني. الكلمة دي مش عايزين نقولها مش عايزين نندم مرتين مرة في الدنيا ومرة في الآخرة. مش عايزين نقول يا ليتنى - 00:25:19

ليه كنتم معهم؟ طب نعمل ايه؟ نخلينا معهم في الدنيا من الوقت الصحبة الصالحة. الصحبة الصالحة نخلينا معها من الوقت في الدنيا عشان ما نقولش يا ليتنى يوم القيمة. الحاجة الثانية ان احنا نبيع نفسنا - 00:25:29

لله ونبيع عمرنا لله. يا رب تكون فهمتوني. يا رب تكوني فهمتني. يا رب تكون فهمتني يا والدي. ويا امي. يا رب تكوني فهمتني يا حبيبتي يا صفتنة يا اللي لسة داخلة اعدادي يا مدموزيل يا صغيرة. يا رب تكون فهمتني يا حبيب قلبي. يا حبيب قلبي يا شاب من شباب امة محمد. يا شباب الامة اللي الدنيا كلها بتحاربها الوقتي - 00:25:39

يا شباب الامة اللي المفروض حياتك كلها عشان تدخل الجنة. يا رب تكونوا فهمتم. انا عايز اقول ايه يا جماعة. يا رب اهدنا يا رب. اللهم انر بصائرنا. اللهم فهمنا - 00:25:59

رب زدنا علما. رب زدنا فهمها. رب زدنا عزما. اللهم انر قلوبنا بنور الایمان. اللهم انر بصائرنا. اللهم اهدنا اليك الصراط المستقيم يا رب اللهم اجعلنا من الفائزين. لا تجعلنا من النادمين. لا تتولى عنا لا تتخلى عنا. اللهم اهدنا واهد بنا واجعلنا سببا - 00:26:09

لمن اهتدى اللهم اعنا اللهم اجعل الجنة هي دارنا. اللهم اجعل الجنة هي دارنا. اللهم لا تجعل الدنيا اكبر همنا. ولا مبلغ علمنا ولا الى النار مصيرنا واجعل الجنة هي دارنا. واجعل الجنة هي دارنا. واجعل الجنة هي دارنا يا رب - 00:26:29

برحمةك يا ارحم الراحمين سبحانه الله وبحمدك. اشهد ان لا الله الا انت. استغفرك واتوب اليك. وجزاكم الله خيرا - 00:26:49